

Waxaa laga soo turjumay af-swiidhish

Waxaa la gaaray waqtigi dugsiga la dooran lahaa Waqtiga codsashada 1 nufeembar – 15 disembar

In dugsiga la doorto

Dhamaan carruurta Eskilstuna waxay boos la damaanad qaaday ku leeyihiin dugsiga hoose-dhexe ee loo soo tuuro. Inta uu canuggaagu dhiganayo dugsiga hoose-dhexe waxaad canuggaaga u kala dooran kartaa dugsiga hoose-dhexe oo degmadu leedahay iyo dugsiga xur ah. Haddii uu boos ka bannaanyahay dugsiga aad codsatay ayaa lagu qaadanaa.

Waqtiga dugsiyada la dooranayo waa 1 nufeembar – 15 disembar

Halkan ayaad dugsiga ka dooraneysaa

Bogga intarneetka ee eskilstuna.se/skolval ayaad doorashada ku sameyneysaa. Waaliddiinta carruurta billaabaysa fasalka dugsiga xannaanada, fasalka 4 ama fasalka 7 waa in ay codsiga ku sameeyaan adeegga elekteroonigga ah. Haddii aadan dalban dugsiga waxaa canugga lagu meeleynayaa dugsiga loo soo tuuray. Waxaa xitaa halkan ku yaalla macluumaad ku aaddan sida dugsiga doorashadu ay u dhaceysa.

In la doorto dugsiga xur ah

Dugsiyada xurta ah waxay leeyihiin foomam codsi oo u gaar ah, iyaga nafirkooda ayaana maamula qaadashada ardayda. Haddii aad doneysid in aad dooratid dugsiga xur ah waxaad si toos ah ula xiriireysaa dugsiga.

Qorshe waqti

- Usbuuca ugu dambeeya ee bisha oktoobar waxaa, adigaaga haysta carruur billaabi doonta fasalka dugsiga xannaanada, fasalka 4 ama fasalka 7, laguugu soo diri doonaa sanduuqa boostada ee guriga macluumaad ku aaddan doorashada dugsiga.
- 1 nufeembar ayuu codsiga doorashada dugsiga furmayaa
- Inta lagu jiro bisha nufeembar – disembar waxay dhamaan dugsiyada hoose-dhexe leeyihiin maalin cid walba u fura. Markaas waxaa laguugu soo dhaweynayaa in aad dugsiyada booqatid. Taariikhda iyo waqtiyada dugsiyada kala duduwan waxaad ka heleysaa bogga intarneetka ee eskilstuna.se/skolval.
- 15 disembar ayuu codsiga doorashada dugsiga xirmayaa
- Usbuuca ugu dambeeya ee bisha faberaayo ayaad heleysaa jawaab ku aaddan dugsiga canuggaaga qaatay.
- Bartamaha bisha agoosto ayuu iskoolku furmayaa. Waxaad macluumaad ku aaddan taariikhda iyo waqtiyada ka heleysaa bogga intarneetka ee dugsiga walba uu leeyahay.

Maxaa dhacaya haddii dugsigi aad dooratay uu buuxsamo?

Hor iyo horraan waxaa boosaska dugsiga laga buuxinayaa carruurta deggan aagga uu iskoolku ka tirsanyahay. Haddii uu dugsigu qaadan karyo arday dheeraad ah waxaa boosaska loo qeybinayaa sidii loo soo kala hor-horreeyay iyadoo wax lagu saleynayo qodobbada soo socda:

- Dhawaansho ilaa heer ah*
- Haddii ay walaalo ardayga u dhigtaan
- Qoray tuur

*Dhawaansho ilaa heer ah waxaa loola jeedaa masaafada ay isu jiraan guriga ardayga (cinwaanka uu ku diiwaan gashanyahay) iyo waddada uu dugsiga ku yaallo. Waxay taasi ka dhigantahay in haddii canugga A iyo B ay isku hal iskool soo dalbadaan, hal canug oo keliyana boos loo hayo, uu mudnaanta leeyahay canugga ay dugsiyada kale ugu fogaan ogyihiin.

Wax kale oo ay fiicantahay in la ogaado

Maalinta cid walba u furan ee dugsiyadeenna hoose-dhexe Inta lagu jiro bisha nufeembar iyo diseembar waxaa adiga iyo canuggaagaba leydinku soo dhaweynayaa maalin dadka oo dhan u furan oo aannu dugsiyadeenna hoose-dhexe ku leennahay. Taariikhda iyo waqtiyada dugsiyada kala duwan waxaad ka heleysaa bogga intarneetka ee eskilstuna.se/skolval.

Afka hooyo

Haddii uu canuggaagu leeyahay af kale oo hooyo oo aan swiidhish ahayn wuxuu xaq u yeelan karyaa in fasalka dugsiga xannaanada lagu taageero afka hooyo ama in dugsiga hoose-dhexe loogu dhigo afka hooyo. Bogga intarneetka ee eskilstuna.se/modersmal ayey macluumaad dheeraad ahi ku jiraan. Meeshaas ayaad xitaa codsashada ku sameyneysaa.

Macluumaad dheeraad ah

Bogga intarneetka ee eskilstuna.se/grundskola ayaad ka akhrisan kartaa wax dheeraad ah oo ku aaddan dhamaan dugsiyada hoose-dhexe ee degmada ee Eskilstuna. Halkan waxaad sidoo kale fursad u heysataa in aad aragtid dugsiyada kuu dhadhaw, in aad is barbar dhigid iskoollo iyo in aad aragtid aagagga qaadashada ardayda ee ka jira Eskilstuna. Waxaad xitaa heleysaa macluumaad ku aaddan kaar bas, waqtiyada sanad dugsiiyeedyada, arday u qaadidda dugsiyada iyo ceymisyada.

Bogga intarneetka ee eskilstuna.se/skolval ayaad ka heleysaa macluumaad dheeraad ah oo ku aaddan doorashada dugsiga hoose-dhexe. Haddii aad su'aalo qabtid si toos ah Eskilstuna ugala soo xiriir taleefanka 016-710 10 00 ama e-mailka info@eskilstuna.se.

Waxaad xitaa toos Eskilstuna ugu booqan kartaa Alva Myrdalsgata 5 Eskilstuna, ama Torshälla cinwaankeeda tooska ah ee Storgatan 26 Torshälla.